

# Канон Пресвятой Богородице в честь иконы Ее Донской

*Празднование 19 августа/ 1 сентября*

## *Тропарь, глас 4-й*

Всепѣтая и всеславная Царице Богородице, Мати всея Твари Содетеля, христианская надеждо и заступнице, ненадеющимся и отчаявшимся скорое надеяние, молим Тя: милостива буди нам, грешным, не остави раб Твоих и не отрини моления недостойных. Молимся, взирающе ко образу Твоему честному святых и чудотворных икон Твоея и вопиюще: с плавающими и путешествующими да пребудет милость Твоя. О Владычице, ризою Твоею честною защити, и во всяких местах злых верных соблюди, и молися к Рождшемуся из Тебе Христу Богу нашему, да спасет от грех души наша (дважды).

## Канон, глас 4-й

### *Песнь 1*

*Ирмос:* Отверзу уста моя, и наполнятся Духа, и слово отрыгну Царице Матери, и явлюся, светло торжествуя, и воспою, радуясь, Тоя чудеса.

*Припев:* Пресвятая Госпоже Богородице, услыши молитву раб Своих, молящихся Тебе.

Откуда начну похвалы или кое положу начало нынешняго песнопения Царице Матери? Недоумением содержуся, обаче, языку умолкшу, вся кости моя рекут Тоя преславная чудеса.

Пресвятая Госпоже Богородице, услыши молитву раб Своих, молящихся Тебе.

Милосердия ради Бог Человек бывает, Имже и преестественная вся содеяшася; тем, Дево, и наше прими с любовью приносимое песнопение, воспевающих Твоя

пресла́вная чудеса́.

*Слава:* Гряди́ к славосло́вию, не́бо, и ра́дуйся, землѣ, свет бо ве́лий возсия́ на вы от лица́ Ма́тере Господни, освяща́яй и просвеща́яй всю тварь пресла́вными чудесы́.

*И ныне:* Собира́ются пред ико́ною Твое́ю, Богоро́дице, чи́нове святы́х невидимо, предстоя́т же и а́нгельская вся во́инства, трéпетно благоговéюще. Приими́ же с ними́ и нас, воспева́ющих ра́достно чудеса́ Твоя́.

Спаси́ от бед рабы́ Твоя́, Богоро́дице, я́ко вси по Бо́зе к Тебе́ прибега́ем, я́ко неру́шимей стене́ и предста́тельству (покло́н).

### *Песнь 3*

*Ирмос:* Твоя́ песносло́вцы, Богоро́дице, живы́й и незави́стный исто́чнице, лик себе́ совоку́пльшия, духо́вно утверди́, в Божéственней Твое́й сла́ве, венце́в сла́вы сподо́би.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Из нача́ла вели́кая о Тебе́ прообразова́ше и в послéдняя пресла́вная соверша́ше от всех родо́в предызбра́вий в Ма́терь Себе́ Тебе́ Влады́ка, Чи́стая.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Сина́йская гора́, огнепали́мая иногда́, и разделя́ющияся во́ды Чермна́го мо́ря, егда́ наставля́хуся лю́дие, супоста́том потопля́емым, то́чию бы́ша проображе́ние, Чи́стая, чудес Твои́х.

*Слава:* Пла́менем купины́ в Сина́и и росо́ю пéщи халде́йския Дéвы рождество́ прообразы́вый, из Нея́же воплоти́тся благоизво́ли, спаса́яй тварь премудростию, Иису́се, и зако́н и проро́ки исполня́я.

*И ныне:* Ра́дуйся, хра́ме Господень, ра́дуйся, киво́те, ра́дуйся, ста́мно, ра́дуйся, горó приосенéнная, ра́дуйся, ле́ствице и двéре небéсная, проро́ки проповéданная, и всея́ святы́ни вмести́лице и носи́ло, Пречи́стая.

Спаси́ от бед рабы́ Тво́я, Богоро́дице, я́ко вси по Бо́зе к Тебе́ прибега́ем, я́ко неру́шимей стене́ и предста́тельству (поклон).

Господи, помилуй (*трижды*). Слава, и ныне.

### *Ипакои, глас 8-й*

Блажи́м Тя, вси ро́ди, Богоро́дице Де́во, в Тя бо невмести́мый Хри́стос Бог наш вместити́ся благоволи́. Блаже́ни есмы́ и мы, предста́тельство Тя иму́ще, день бо и ночь мо́лишися о нас, и ро́ди христиа́нстии Твои́ми моли́твами утвержда́ются. Тем, воспева́юще, вопие́м Ти: ра́дуйся, Благода́тная, Госпо́дь с Тобо́ю.

### *Песнь 4*

*Ирмос:* Седя́й в сла́ве на Престо́ле Божества́ во о́блаце лёгце, при́иде Иису́с Пребоже́ственный нетле́нною дла́нию и спасе́ зову́щия: сла́ва, Хри́сте, си́ле Тво́ей.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Седя́й на Престо́ле сла́вы Ца́рствия Твоего́, Царю́ высо́кий, от смире́ннаго естества́ земноро́дных престол́ свят Себе́ предугото́вал еси́, утробу́ Де́вы Ма́тере. Сла́ва неизрече́нному Твоему́ совету́.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Превознесе́ннаго и́менем па́че всякаго и́мене, Егóже всяк язы́к испове́дает, Бо́жию Си́лу и Прему́дрость, Единоро́днаго Сы́на в сла́ве Бо́га Отца́, Де́во, плоти́ю родила́ еси́, Бо́га и Челове́ка.

*Слава:* Смирившаго Себе́ да́же до ра́биа о́браза послуша́нием Бо́гу Отцу́ и да́же до страсте́й и Креста́ преклонившагося, Того́ за ны смотре́нию, о Де́во, и непостижи́мым та́йнам послужи́ла еси́.

*И ныне:* Даёт Тебе́ преесте́ственная, Богоро́дице, Иже па́че естества́ Сын Твой, рождество́м бо Твои́м от тли я́ко воззва́ челове́чество, и ны́не Тобо́ю призыва́ет лю́ди

отриновѣнныя, во языкъ избранный и именитый по всей земли.

Спаси от бед рабы Твоя, Богородице, яко вси по Бозе к Тебѣ прибегаем, яко нерушимей стени и предстательству (поклон).

### *Песнь 5*

*Ирмос:* Ужасошася всяческая о Божественней славе Твоей: Ты бо, неискусобрачная Дѣво, имела еси во утробе над всеми Бога и родила еси безлѣтнаго Сына, всем воспевающим Тя мир подавающая.

Пресвятая Госпоже Богородице, услыши молитву раб Своих, молящихся Тебѣ.

Блаженно чрево, носившее Тя, Спасе, и честнейшая воистинну сосца, воздѣвшая Тя, нас ради младенствовавшего. Темже молим Тя: слышащим слово Твое и хранящим е блаженство уготови безконечное Рождшия Тя молитвами.

Пресвятая Госпоже Богородице, услыши молитву раб Своих, молящихся Тебѣ.

Маріе Препоблагословенная, благоую истинно часть избрала еси и едина Благодатная явилася еси. В Тебѣ Отец благоволи, Слово всевиновное в Тя вселися, и Дух осени Святыи, пребываеши нетленная и нам, любовью поющим Тя, спасение подавающая.

*Слава:* Единородный Сын Божий, низшедый на землю за человеколюбие избавити человечество, единое на земли покоище обрет Тя, Чистую и Пренепорочную, вселитися и жити в Тебѣ благоволи, освятив, украсив и прославив. И нас ходатайствы Твоими храмы чистыя Тому, Богородице, соделай.

*И ныне:* Храме всеосвященный Бога нашего, в храме Твоем ныне торжествующая, Богоневесто, с высоты призри и осени Божественною иконою Твоею, верою кланяющихся ей освящаючи: с нею бо Твоя благодать во веки пребывает, спасительная всем подающи.

Спаси́ от бед рабы́ Тво́я, Богоро́дице, я́ко вси по Бо́зе к Тебе́ прибега́ем, я́ко неру́шимей стене́ и предста́тельству (поклон).

### *Песнь 6*

*Ирмос:* Божественное си́е и всечестно́е соверша́юще пра́зднество, богому́дри, Богома́тере, прииди́те, рука́ми воспле́чим, от Нея́ ро́ждшагося Бо́га сла́вим.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Пра́здник пра́зднуем, празднолю́бцы, Де́вы и Богома́тере, благодаря́ще за ве́лие милосе́рдие Ея́, и в нас де́йствуемая пресла́вная чудеса́ просла́вим.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Благодáрственная прино́сим Тебе́, Де́во, и мо́лимся: да не оскуде́ет ве́ра чту́щих Тя, и да не похва́лятся врази́, глаго́люще: где есть Бог их? Тво́я бо чуде́сная ико́на и всесвята́я по́мощь с на́ми есть.

*Слава:* Устна́ми воспева́ем Тя, умо́м же и язы́ком моле́ние прино́сим и сердца́ с колéны преклоня́ем пред чудотво́рным о́бразом Твои́м, Пречи́стая, да ми́лость Твою́ низпосле́ши на град и лю́ди Тво́я.

*И ныне:* Ты еси́ проро́ков главизна, Ты еси́ святы́х похва́ла, Богоотрокови́це, и всех христиа́н упова́ние, к Тебе́ прибега́юще, спаса́емся, упова́юще же, не посра́мимся, Тобо́ю бо хва́лится, Богоро́дице, вся́кое дыха́ние.

Спаси́ от бед рабы́ Тво́я, Богоро́дице, я́ко вси по Бо́зе к Тебе́ прибега́ем, я́ко неру́шимей стене́ и предста́тельству (поклон).

Го́споди, поми́луй (*трижды*). Слава, и ныне.

### *Кондак, глас 2-й*

В небе́сныя оби́тели пресели́вшаяся с плóтию, су́щия на

землі никакоже оставила есі, Богородице, образ Божественный и многочудесный пречистаго лица Твоего зрети любящим Тя и поклонятися даровала есі, яко знамение Твоея благодати, чтим его лобызающе.

### *Икос*

Являючи человеком Пречистая неизглаголаннаго Своего милосердия сокровище, любящим Ю незавістныя дары подавает, благословение, и молитвы, и мир, всяк ум превосходящий. И еже преславное от пречистыя Своея иконы, яко от источника, источает миру оставления воды, в Божественнейшем Ея храме. Тамо бо очи Ея отверсте день и ночь и уши, внёмлющи молитве всех. Сего ради поклоняемся сей всечестней иконе и чтим ю, лобызающе.

### *Песнь 7*

*Ирмос:* Не послужиша твари Богомудрии паче Создавшаго, но огненное прещение мужески поправше, радовахуся поюще: препетый отец Господь и Бог, благословен еси.

Пресвятая Госпоже Богородице, услыши молитву раб Своих, молящихся Тебе.

Тварь вся празднует, и стихии Тебе повинуются, Матери всяческих Содетеля, радуются Ангели в Божественном торжестве Твоем, мы же из Тебе Рождшемуся зовем: препетый отец Боже, благословен еси.

Пресвятая Госпоже Богородице, услыши молитву раб Своих, молящихся Тебе.

Дивная чудеса, Благая, слышана сотворила еси по всей земли, мы же, благолепие красоты Твоея от Сиона зряще, доброте дивимся и из Тебе Рождшемуся зовем: препетый Боже, благословен еси.

*Слава:* Монашествующих собори наставницу Тя ублажают, Дево, множества же немощствующих излиянием милосердия Твоего благодать приемлют, и общницы бывше чудес Твоих, вопиют: Пречистая, благословенна еси.

*И ныне:* Источник еси умный, живоприемный и приснотекущий, струи жизни источивший человеком, даждь

ми от воды Твоея, Дѣво, во изсушѣние моихъ согрѣшеній и оросі, молюся, мой ум, сѣрдце и помысл, едина всепѣтая и благословѣнная.

Спасі от бед рабы Твоѣ, Богородице, яко вси по Бозе к Тебѣ прибегаем, яко нерушимей стѣнѣ и предстательству (поклон).

### *Песнь 8*

*Ирмос:* Отроки благочестивыя в пещи Рождество Богородичо спасло есть, тогда убо образуемое, ныне же действующее, вселенную всю воздвизает пѣти Тебѣ: Господа пойте, дела, и превозносите Его во вся вѣки.

Пресвятая Госпоже Богородице, услыши молитву раб Своих, молящихся Тебѣ.

Ужасу обдержашу иногда Россійскую страну нашествием агарян, печали умножившейся людем Твоимъ, тогда, не на лук уповаше, ниже оружіем спасаеми, но на Тя едину надеющеса, с рыданіем моляхуса: виждь бед належаніе и востани, Богородице, в помощь нашу.

Пресвятая Госпоже Богородице, услыши молитву раб Своих, молящихся Тебѣ.

Обыдоша иногда, яко пси мнози, стадо Твое, Чистая, оскверниша жилище имене Твоего и совещашу на ны лукавная; мы же возведохом очи наши на икону Твою, да ущедриши ны; и разумеша языцы, яко Ты, Госпоже, с нами еси во вся вѣки.

*Слава:* Взбранная воевода явилася еси царствующаго града Москвы языки побеждающая, христоролюбивое же воинство укрепляющая, военачальники силою Твоею препоясующая; темже Твоѣ торжествующе победительная, рабы Твои, воспеваем Сына Твоего во вся вѣки.

*И ныне:* Богородице, теплая христианом предстательнице, прими моление недостойных раб Твоих, призри милостивно на немощи наша и всем полезная даруй, немощствующим исцеление, грешным спасение, вся бо можеша, Мати сущи Зиждителя всемилостивая.

Спаси́ от бед рабы́ Тво́я, Богоро́дице, я́ко вси по Бо́зе к Тебе́ прибега́ем, я́ко неру́шимей стене́ и предста́тельству (поклон).

### *Песнь 9*

*Ирмос:* Всяк земноро́дный да възгра́ется, Ду́хом просвеща́емь, да торжеству́ет же безплóтных умóв естество́, почита́ющее священное торжество́ Богома́тере, и да вопи́ет: ра́дуйся, всеблаже́нная Богоро́дице, Чи́стая Присноде́во.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Вели́чит Тя душа́ моя́, и ра́дуется дух мой о Тебе́, Ма́ти Го́спода на́шего, я́ко призре́ла еси́ на смире́ние раб Твои́х, си́льные со престóлов низложи́ла еси́, смире́нныя вознесла́ еси́ и Росси́ю всю Твои́х дарóв испо́лнила еси́.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Се ны́не ублажа́ем Тя, вси наро́ди великоросси́йстии, Де́во, с на́ми бо вели́чие сотвори́ла еси́ и сла́ву Твою́ показа́ла еси́ всем язы́ком; свято́ и́мя Твое́, Богоро́дице, ве́лия и неизрече́нная ми́лость Тво́я на всех призыва́ющих Тя.

*Слава:* Восприя́т ны от паде́ния на́шего Госпо́дь, помяну́в ми́лость Свою́ от ве́ка, и дре́вняя чудеса́ оте́ц на́ших обновí нам, ча́дом их, ико́ною Твое́ю, Богома́ти; ёюже хва́лимся, спа́сшиися, и живота́ неразруши́маго насле́дие прие́млем.

*И ны́не:* Богоро́дице Влады́чице, Присноде́во, нелóжно спребыва́ти с на́ми обеща́вшая до сконча́ния ве́ка, испроси́ нам на бу́дущем Суде́ Сы́на Твоего́ десна́го Ему́ предстоя́ния ве́рою и любо́вию Тебе́ пою́щих, уми́льно припада́ющих и со стра́хом те́пле моля́щихся.

Спаси́ от бед рабы́ Тво́я, Богоро́дице, я́ко вси по Бо́зе к Тебе́ прибега́ем, я́ко неру́шимей стене́ и предста́тельству (поклон).